




• Saskibaloia

Tau Baskonia: Morales pibot bilbotarrari ebakuntza egin zioten atzo, eta hiru aste barru jokatzeko moduan izango da → **38**



• Pilota

Besagain: Luis Mari Bengoa: «Bigarren mailako finalera gure bi pilotari sailkatzea ez da ezustekoa izan; serio ari gara lanean» → **42**

Athletic ♦ Federazioko Lehiaketa Batzordeak ez du onartu Athleticen errekurtsioa

Zigorra Alkizarentzat

Erdilari donostiarrek ezingo du jokatu igandean Malagaren aurka

Ramon Basaldua / Bilbo

EZ ZEN ezusterik izan atzo Espainiako Futbol Federazioko Lehiaketa Batzordeak izan zuen bileran, eta Bittor Alkizak partidu bateko zigorra bete beharko du txartel gorria atera ziotelako larunbatean Athleticen Riazorren Deportiboren aurka jokatu zuen partiduan. Lehiaketa Batzordeko kideek ez dute aintzat hartu Athleticen zuzendaritzak batzordeak aurkeztutako bideoa eta arrazoi-bideak, eta Bittor Alkizak ezingo du jokatu igandean Malagaren aurka, San Mamesen.

Arrate: «Errekurtsioak aurkeztu segituko dugu»

Jose Mari Arrate Athleticen presidentea haserre hartu zuen Lehiaketa Batzordearen erabakiaren albisteak. Arratek garbi utzi du Athleticen ez duela amore emango eta errekurtsioak aurkeztu jarraituko duela. «Ez gaude konforme Lehiaketa Batzordeak hartutako erabakiarekin eta errekurtsioak aurkeztu jarraituko dugu, arrazoiak dugula uste dugulako. Beste bi aukera ditugu, Apelazio Batzordea eta Kirol Diziplina Batzordea, eta ez dugu amore emango», adierazi zion atzo Jose Mari Arratek EGUNKARIARI, Bittor Alkizak bete beharko duen zigorraren berri izan ondoren.

Errekurtsioak aurkeztu jarraitzea kaltegarria gerta daiteke Athleticentzako. Izan ere, baliteke Alkizak partidu bateko zigorra, Malagaren aurka bete beharrean, Valentzia edo Bartzelonaren aurka bete behar izatea. «Guk ez dugu etsiko. Izan ere, amore ematea arbitroari arrazoiak ematea izango litzateke. Guk



Jose Maria Arrate ez dago batere gustura epaileek Athleticen partiduetan egin duten lanarekin.

garbi daukagu Bittor Alkizaren kanporaketa ez zela bidezkoa izan eta ahalegin guztiak egingo ditugu jokalariek zigorrak jaso ez dezan», gaineratu zuen Jose Mari Arratek.

Athleticeko presidentek esan du Lehiaketa Batzordeak hartutako erabakia ezustekoa izan dela berarentzat. «Niretzat ezustekoa izan da, bai horixe. Nik zigorrak ez jasotzea espero nuen. Izan

ere, horretarako aurkeztu dugu errekurtsioa. Bestela ez genuen ezer aurkeztuko. Beste jokalariek batzuei ere txartel horiak atera zizkieten Riazorren eta ez dugu errekurtsioak aurkeztu».

Zuri-gorriak lanera itzuliko dira

R. B. / Bilbo

ATHLETICEKO jokalariek lanera itzuliko dira gaur, atzo atsedena izan ondoren. Luis Fernandez itzuli da Paristik, eta saio bikoitza agindu du gaurko.

Gaurko bi saioak erabakigarriak izango dira datorren igandeko partidurako zein jokalariek dauden prest jakiteko. Julen Guerrerok ez du parte hartu azken partiduan, bizkarreko arazoak zituelako. Athleticen kapi-

tainak korrika saioa baino ez zuen egin asteleheneko entrenamenduan, eta ikusi egin beharko da gaur normal aritzen den taldeko gainerako jokalariekin batera. Guerrerok bere kabuz jardungo balu, seguruenik ez luke Malagaren aurka jokatzetik izango.

Bestalde, Oscar Valesen errehabilitazioa ere bide onetik doa, eta ikusi egin beharko da igandeko partidurako deialdian sartzerik duen.

Luis Fernandezek itxaron egin beharko du Bittor Alkiza zelairatzeko aukera izango duen ala ez jakiteko. Frantziarrak ez du inoiz utzi aulkian erdilari donostiarra eta ikusteko dago zein jokalariek zelairatzen duen erdialdean. Julen Guerrero osatuta badago, litekeena da hasieratik aritzea. Horrez gain, Tiko nafarrak meritu ugari egin ditu hasierako hamaikakoan jarraitzeko.

Reala ♦

Salva «tentuz» zaindu beharko dutela esan du Gurrutxagak

Racingeko aurrelariak lau gol sartu zituen Anoetan lehen itzuliko partiduan

Erredakzioa / Donostia

ZUHAITZ GURRUTXAGAK nahikoa ondo zaindu zuen Sabo Milosevic joan den igandean, Zaragozaren kontrako partiduan. Realeko atzelariak datorren igandean izango duen lana, ordea, ez da batere samurra izango. Txuri-urdinek Santanderren jokatu duen Racingen aurka, eta Salva aurrelariarekin kontu handia izan beharko dutela nabarmendu du Gurrutxagak.

Izan ere, Anoetan 2-5 irabazi zuen Racingek Ligako lehen itzulian, eta Salvak lau gol sartu zituen. Hori ondo gogoan du Gurrutxagak, eta igandean Racingeko aurrelaria «tentu handiz» zaindu beharko dutela esan zuen atzo: «Anoetan bereak eta bi egin zituen, eta azti ibiliko gara Santanderren hura geldiarazteko. Salvak 21 gol egin ditu dagoeneko eta horrek esan nahi du oso ona dela».

Javier Clemente entrenatzaileak esana du Gurrutxaga lehen taldearekin ari denetik Realaren atzealdeak «sendotasuna» irabazi duela. Lore horiei ez die, baina, jaramon handirik egin nahi atzelari gazteak, eta haren kezka «egungo egoera larri honetatik ateratzea» da.

Azken jardunaldietan Realak hobera egin duela adierazi du Gurrutxagak. Baina oraindik «sufritu» egin beharko dutela esan du: «Hori da irabazteko bidea».